

子形發勇猛心修諸梵行願一切衆生具勇猛力恒爲主導住無礙智永不退轉願一切衆生皆得具足大丈夫身永離欲心無所染著願一切衆生悉得成就善男子法智慧增長諸佛所歎願一切衆生普得具於大人之力常能修習

十力善根願一切衆生永不失壞男子之形常修福智未曾有法願一切衆生於五欲中無著無縛心得解脫厭離三有住菩薩行願一切衆生成就第一智慧丈夫一切宗信伏從其化願一切衆生具足菩薩丈夫智慧不久當成無上大雄是爲菩薩摩訶薩禁絕一切毀敗男形善根迴向爲令衆生具丈夫形皆能守護諸善丈夫生賢聖家智慧具足

常勤修習丈夫勝行有丈夫用巧能顯示七丈夫道具足諸佛善丈夫種丈夫正教丈夫勇猛丈夫精進丈夫智慧丈夫清淨普令衆生究竟皆得

大方廣佛華嚴經卷第二十七

大方廣佛華嚴經卷第二十八

章八

于聞四三藏沙門寶叉難陀譯

大方廣佛華嚴經十迴向品第二十五之六
佛子菩薩摩訶薩若見如來出興於世開演
正法以大音聲普告一切如來出世如來出
世今諸衆生得聞佛名捨離一切我慢戲論

卷八

復更勸導今速見佛今憶念佛今歸向佛今
攀緣佛今觀察佛今讚嘆佛復為廣說佛難
值遇千萬億劫時乃一出衆生由此得見於
佛生清淨信踊躍歡喜尊重供養復於佛所
聞諸佛各轉更值遇無數諸佛植諸善本皆
言增長爾時無數百千萬億那由他衆生因
見佛故皆得清淨究竟調伏彼諸衆生於菩
薩所皆生最上善知識想因菩薩故成就佛
法以無數劫所種善根普於世間施作佛事
佛子菩薩摩訶薩開示衆生令見佛時以諸
善根如是迴向所謂願一切衆生不待勸誘
自往見佛承事供養皆令歡喜願一切衆生
常樂見佛心無厭捨願一切衆生常勤修習
廣大智慧受持一切諸佛法戴願一切衆生
隨所聞聲皆悟佛法於無量劫修菩薩行願
一切衆生安住正念恒以智眼見佛出興願
一切衆生不念異業常憶見佛勤修十力願
一切衆生於一切處常見諸佛了達如來徧

虛空界願一切衆生皆得具足佛自在身普於
十方成道說法願一切衆生遇善知識常聞
佛法於諸如來得不壞信願一切衆生悉能
稱數諸佛出興令其見者皆得清淨是為善
薩摩訶薩歎佛出世善根迴向為令衆生見
一切佛供養承事於無上法究竟清淨故佛
子菩薩摩訶薩捨於大地或施諸佛造立精
舍或施菩薩及善知識隨意所用或施衆僧
以為住處或施父母或施別人聲聞獨覺種
種福田乃至一切貧窮孤露及餘四衆隨意
悉與令無所乏或施造立如來塔廟於如是
等諸處之中悉為辦具資什物令隨意用
無所恐懼菩薩摩訶薩隨何方所布施地時
以諸善根如是迴向所謂願一切衆生具足
清淨一切智地悉到普賢衆行彼岸願一切
衆生得總持地正念受持一切佛法願一切
衆生得住持力常能守護一切佛教願一切
衆生得如地心於諸衆生意常清淨無有惡

念願一切衆生持諸佛種成就菩薩諸地次第無有斷絕願一切衆生普為一切作安隱處悉令調伏住清淨道願一切衆生同諸如來利益出間普使勤修安住佛力願一切衆生普為出間之所愛樂悉令安住無上佛樂願一切衆生獲善方便住佛諸力無畏法中

願一切衆生得知地智自在修行一切佛法是為菩薩摩訶薩施大地時善根迴向為令衆生皆得究竟一切如來清淨地故佛子菩薩摩訶薩布施僅僅供養一切諸佛菩薩真善知識或施僧寶或奉父母尊勝福田或復給施病苦衆生令無關乏以存其命或復施與貧窮孤露及餘一切無瞻侍者或為守護如來塔廟或為畫持諸佛正法以百千億那由他僕使隨時給施其諸僕使皆聽慈善巧性自調順常勤精進無有懈惰具質直心安樂心利益心仁慈心恭恪心無怨恨心無離散心能隨受者方俗所宜於彼彼中作諸利益

益又皆從菩薩淨業所感才能技藝工巧算數靡不通達善能供侍悅可其心菩薩爾時以諸善根如是迴向所謂願一切衆生得調順心一切佛所修習善根願一切衆生隨願供養一切諸佛於佛所說悉能聽受願一切衆生得佛攝受常觀如來更無餘念願一切衆生不壞佛種勤修一切順佛善根願一切衆生常勤供養一切諸佛無空過時願一切衆生攝持一切諸佛妙義言詞清淨遊行無畏願一切衆生常樂見佛心無厭足於諸佛所不惜身命願一切衆生得見諸佛心無染著離世所依願一切衆生但歸於佛未離一切邪歸依處願一切衆生隨順佛道心常樂親無上佛法是為菩薩摩訶薩施僕使時善根迴向為令衆生遠離塵垢淨治佛地能現如來自在身故佛子菩薩摩訶薩以身布施諸來乞者布施之時生謙下心生如地心生忍受衆苦無變動心生給持衆生不瘦厭心

生於諸衆生猶如慈母所有衆善悉迴與心
生於諸愚險極惡衆生種種侵陵皆寬宥心
安住善根精勤給事菩薩爾時悉以善根如
是迴向所謂願一切衆生隨其所須常無闕
之脩菩薩行恒不間斷不捨一切菩薩義利
善住菩薩所行之道了達菩薩平等法性得

在如來種族之數住真實語持菩薩行令諸
世間得淨佛法深心信解證法究竟令諸衆
生出生清淨增上善根住大功德具一切智
又以此善根令一切衆生常得供養一切諸
佛解一切法受持讀誦不忘不失不壞不散
心善調伏不調令調以寂靜法而調習之令
彼衆生於諸佛所住如是事又以此善根令
一切衆生作第一塔應受世間種種供養令
一切衆生成最上福田得佛智慧開悟一切
令一切衆生作最上受者普能饒益一切衆
生令一切衆生成最上福利能使具足一切
善根令一切衆生成第一好施處能使獲得

無量福報令一切衆生於三界中皆得出離
令一切衆生作第一尊師能爲世間示如實
道令一切衆生得妙總持具持一切諸佛正
法令一切衆生證得無量第一法界具足虛
空無礙正道是爲菩薩摩訶薩施自己身善
根迴向爲令衆生皆得應供無量智身故佛
子菩薩摩訶薩聞法喜悅生淨信心能以其
身供養諸佛欣樂信解無上法寶於諸佛所
生父母想讀誦受持無礙道法普入無數那
由他法大智慧寶諸善根門心常憶念無量
諸佛入佛境界深遠義理能以如來微密梵
音興佛法雲雨佛法雨勇猛自在能分別說
章一

一切智人第一之地具足成就薩婆若乘以
無量百千億那由他大法成滿諸根佛子菩
薩摩訶薩於諸佛所聞如是法歡喜無量安
住正法自斷疑惑亦令他斷心恒怡暢功德
成滿善根具足意體相續利益衆生心常不
匱獲最勝智成金剛藏親近諸佛淨諸佛刹

常勤供養一切如來菩薩爾時以諸善根如是迴向所謂願一切衆生皆得圓滿最勝之身一切諸佛之所攝受願一切衆生常近諸佛依諸佛住恒得觀仰未曾遠離願一切衆生皆得清淨不壞之身具足一切功德智慧願一切衆生常勤供養一切諸佛行無所得

竟竟梵行願一切衆生得無我身離我我所願一切衆生悉能分身徧十方刹猶如影現而無來往願一切衆生得自在身普徧十方無我無受願一切衆生從佛身生處在如來無上身家願一切衆生得法力身忍辱大力無能壞者願一切衆生得無比身成就如來

卷八
五

清淨法身願一切衆生成就出世功德之身生無所得清淨法界是爲菩薩摩訶薩以身供佛善根迴向爲令衆生永住三世諸佛家故佛子菩薩摩訶薩以身布施一切衆生爲欲普令成就善根憶念善根菩薩摩訶薩自願其身爲大明燈普能照耀一切衆生爲衆

樂具普能攝受一切衆生爲妙法藏普能任持一切衆生爲淨光明普能開曉一切衆生爲世光影普令衆生常得覩見爲善根因緣普令衆生常得值遇爲真善知識令一切衆生悉蒙教誨爲平坦道令一切衆生皆得履踐爲無有上具足安樂令一切衆生離苦清淨爲明淨日普作世間平等利益菩薩爾時以諸善根如是迴向所謂願一切衆生當親近佛入佛智地願一切衆生得隨順智住無上覺願一切衆生常處佛會意善調伏願一切衆生所行有則具佛威儀願一切衆生悉得涅槃深解法義願一切衆生具知足行生

如來家願一切衆生捨無明欲住佛志樂願一切衆生生勝善根坐菩提樹願一切衆生殺煩惱離冤害心願一切衆生具足護持一切佛法是爲菩薩摩訶薩以身布施一切衆生善根迴向爲欲利益一切衆生令得無上安隱處故佛子菩薩摩訶薩自以其身給

侍諸佛於諸佛所念報重恩如父母想於諸如來起深信樂以清淨心護佛菩提住諸佛法離世間想生如來家隨願諸佛離魔境界了達一切諸佛所行成就一切諸佛法器菩薩爾時以此善根如是迴向所謂願一切衆生得清淨心一切智寶而自莊嚴願一切衆生住善調伏遠離一切諸不善業願一切衆生得不可壞堅固眷屬普能攝受諸佛正法願一切衆生爲佛弟子到於菩薩灌頂之地願一切衆生常爲諸佛之所攝受永離一切不善之法願一切衆生隨順諸佛修行菩薩最勝之法願一切衆生入佛境界悉皆得授

章八

六

一切智記願一切衆生與諸如來皆悉平等一切佛法無不自在願一切衆生悉爲諸佛之所攝受常能修行無取著業願一切衆生常爲諸佛第一侍者一切佛所修智慧行是爲菩薩摩訶薩給侍諸佛善根迴向爲欲證得諸佛菩提爲欲救護一切衆生爲欲出離一切三界爲欲成就無瞋惱心爲得無量廣大菩提爲欲成就照佛法智爲欲常蒙諸佛攝受爲得諸佛之所護持爲欲信解一切佛法爲欲成就與三世佛平等善根爲欲圓滿無悔恨心證得一切諸佛法故佛子菩薩摩訶薩布施國土一切諸物乃至王位悉亦能捨於諸世事心得自在無繫無縛無所戀著遠離惡業饒益衆生不著業果不樂世法不復貪染諸有生處雖住世間非此處生心不執著蘊界處法於內外法心無依住常不忘失諸菩薩行未曾遠離諸善知識持諸菩薩廣大行願常樂承事一切善友菩薩爾時以

生開示無量法王正法成就無邊諸大菩薩願一切衆生住淨法界爲大法王現佛出興相繼不斷願一切衆生於諸世界作智慧王化導群生無時暫捨願一切衆生普爲法界虛空界等諸世界中一切衆生作法施主使其咸得住於大乘願一切衆生得成具足衆

善之王與三世佛善根齊等是爲菩薩摩訶薩布施王位善根迴向爲欲令彼一切衆生究竟住於安隱處故佛子菩薩摩訶薩見有一人來乞王京都嚴麗大城及以關防所有輸稅盡皆施與心無憊惜專向菩提發大誓願住於大慈行於大悲志意歡悅利益衆生以廣大智解了深法安住諸佛平等法性發心爲求一切智故於自在法起深樂故於自在智求證得故淨修一切諸功德故住於堅固廣大智故廣集一切諸善根故修行一切佛法願故自然覺悟大智法故安住菩提心無退故修習一切菩薩行願一切種智盡究竟

貪心施諸所有心無中悔願一切衆生得出離心捨諸家業願一切衆生得無俗心常行惠施願一切衆生得不著心離居家法願一切衆生得離衆苦除滅一切災橫怖畏願一切衆生嚴淨十方一切世界奉施諸佛是爲菩薩摩訶薩布施王都善根迴向爲令衆生悉能嚴淨諸佛刹故佛子菩薩摩訶薩所有一切內宮眷屬妓侍衆女皆顏貌端正才能具足談笑歌舞悉皆巧妙種種衣服種種華香而以嚴身見者歡喜情無厭足如是寶女百千萬億那由他數皆由菩薩善業所生隨出間於世語言常樂遠離願一切衆生得離故而行布施以此善根如是迴向所謂願一切衆生悉能嚴淨無量刹土奉施諸佛以爲住處願一切衆生常樂居止阿蘭若處寂靜不動願一切衆生永不依止王都聚落心樂寂靜永得究竟願一切衆生永不樂著一切世間於世語言常樂遠離願一切衆生得離

其中無愛樂心無願心無耽著心無繫縛
心無執取心無貪染心無分別心無隨逐心
無取相心無樂欲心菩薩尔時觀諸善根為
欲令一切衆生咸得出離故迴向得佛法喜
故迴向於不堅固中而得堅固故迴向得金
剛智不可壞心故迴向入佛道場故迴向到
於彼岸故迴向得無上菩提心故迴向能以
智慧了達諸法故迴向出生一切善根故迴
向入三世諸佛家故迴向佛子菩薩摩訶薩
住如是法生如來家增長諸佛清淨勝因出
生最勝一切智道深入菩薩廣大智慧滅除
一切世間煩惱常能供施功德福田為諸衆
生宣說妙法善巧安立令其修習諸清淨行
常勤攝取一切善根菩薩尔時以諸善根如
是迴向所謂願一切衆生常得無量三昧眷
屬菩薩勝定相續不斷願一切衆生常樂見
佛悉入諸佛莊嚴三昧願一切衆生成就菩
薩不思議定自在遊戲無量神通願一切衆

生人如實定得不壞心願一切衆生盡獲善
薩甚深三昧於諸禪定而得自在願一切衆
生得解脫心成就一切三昧眷屬願一切衆
生種種三昧皆得善巧悉能攝取諸三昧相
願一切衆生得勝智三昧普能學習諸三昧
門願一切衆生得無礙三昧入深禪定終不
退失願一切衆生得無苦三昧心恒正受不
取二法是為菩薩摩訶薩布施一切內宮眷
屬時善根迴向為欲令一切衆生皆得不壞
清淨眷屬故為欲令一切衆生悉得菩薩眷
屬故為欲令一切衆生悉得滿足佛法故為
欲令一切衆生滿足一切智力故為欲令一
切衆生證於無上智慧故為欲令一切衆生
得於隨順眷屬故為欲令一切衆生得同志
待人共居故為欲令一切衆生具足一切福
智故為欲令一切衆生成就清淨善根故為
欲令一切衆生得善和眷屬故為欲令一切
衆生成就如來清淨法身故為欲令一切衆

生成就次第如理辯才善說諸佛無盡法藏故爲欲令一切衆生永捨一切世俗善根同修出世清淨善根故爲欲令一切衆生淨業圓滿成就一切清淨法故爲欲令一切衆生一切佛法皆悉現前以法光明普嚴淨故佛子菩薩摩訶薩能以所愛妻子布施猶如往

昔須達擎太子現莊嚴王菩薩及餘無量諸菩薩等菩薩尔時乘蓬婆若心行一切施淨修菩薩布施之道其心清淨無有中悔聲捨所珍求一切智令諸衆生淨深志樂成菩提行觀菩薩道念佛菩提住佛種性菩薩摩訶菩薩如是布施心已決定志求如來之身自觀已身繫屬一切不得自在又以其身普攝衆生猶如寶洲給施一切未滿足者令其滿足菩薩如是護念衆生欲令自身作第一塔普使一切皆生歡喜欲於世間生平等心欲爲衆生作清涼池欲與衆生一切安樂欲爲衆生作大施主智慧自在了知菩薩所行之

行而能如是大誓莊嚴趣一切智願成無上智慧福田普念衆生常隨守護而能成辦自身利益智慧光明普照於世常勤憶念菩薩施心恒樂觀察如來境界佛子菩薩摩訶薩以無縛無著解脫心布施妻子所集善根如是迴向所謂願一切衆生住佛菩提起變化

十

身周徧法界轉不退輪願一切衆生得無著身願力周行一切佛刹願一切衆生捨愛憎心斷貪恚結願一切衆生爲諸佛子隨佛所行願一切衆生於諸佛所生自己心不可沮壞願一切衆生常爲佛子從法化生願一切衆生得究竟處成就如來自在智慧願一切衆生證佛菩提永離煩惱願一切衆生能具演說佛菩提道常樂修行無上法施願一切衆生得正定心不爲一切諸緣所壞願一切衆生坐菩提樹成最正覺開示無量從法化生諸善男女是爲菩薩摩訶薩布施妻子善根迴向爲令衆生皆悉證得無礙解脫無著

智故佛子菩薩摩訶薩莊嚴舍宅及諸資具隨有乞求一切施與行布施法於家無著遠離一切居家覺觀獸惡蒙業資生之具不貪不味心無繫著知家易壞心恒厭捨都於其中無所愛樂但欲出家修菩薩行以諸佛法而自莊嚴一切悉捨心無中無常爲諸佛之所讚歎含宅財物隨處所有悉以惠施心無戀著見有乞求心生慶喜菩薩尔時以此善根如是迴向所謂願一切衆生捨離妻子成就出家第一之樂願一切衆生解脫家縛入於非家諸佛法中修行梵行願一切衆生捨離慳垢樂一切施心無退轉願一切衆生永

章八

離家法少欲知足無所藏積願一切衆生出世俗家住如來家願一切衆生得無礙法滅除一切障礙之道願一切衆生離家屬愛離現居家心無所著願一切衆生善能化誘不離家法說佛智慧願一切衆生身現在家心常隨順佛智而住願一切衆生在居家地住於佛地普令無量無邊衆生發歡喜心是爲菩薩摩訶薩布施舍宅時善根迴向爲令衆生成就菩薩種種行願神通智故佛子菩薩摩訶薩布施種種園林臺榭遊戲快樂莊嚴之處作是念言我當爲一切衆生作好園林我當爲一切衆生示現法樂我當施一切衆生歡喜之意我當示一切衆生無邊喜樂我當爲一切衆生開淨法門我當令一切衆生發歡喜心我當令一切衆生得佛菩提我當令一切衆生成滿大願我當於一切衆生猶如慈父我當令一切衆生智慧觀察我當施一切衆生資生之具我當於一切衆生猶如慈母生長一切善根大願佛子菩薩摩訶薩如是修行諸善根時於惡衆生不生疲厭亦不誤起棄捨之心設滿世間一切衆生悉不知恩菩薩於彼初無嫌恨不生一念求反報心但欲滅其無量苦惱於諸世間心如虛空無所染著普觀諸法真實之相發大誓願滅

衆生苦永不厭捨大乘志願滅一切見修諸菩薩平等行願佛子並菩薩摩訶薩如是觀察已攝諸善根悉以迴向所謂願一切衆生念念滅生無量善法成就無上園林之心願一切衆生得不動法見一切佛皆令歡喜願一切衆生樂法園苑得諸佛利園苑妙樂願一

切衆生得淨妙心常見如來神足園林願一切衆生得佛歡樂常善遊戲智慧境界願一切衆生得遊戲樂普詣佛刹道場衆會願一切衆生成就菩薩解脫遊戲盡未來劫行菩薩行心無疲倦願一切衆生見一切佛充滿法界發廣大心住佛園林願一切衆生悉能偏往一切福利一一刹中供養諸

章八

四

佛願一切衆生得善欲心清淨莊嚴一切佛刹是爲菩薩摩訶薩布施一切園林臺榭善根迴向爲令衆生見一切佛遊戲一切佛園林故佛子菩薩摩訶薩汝百千億那由他無量無數廣大施會一切清淨諸佛印可終不損恼於一衆生普令衆生遠離衆惡淨三業道成就智

慧開置無量百千億那由他阿僧祇清淨境界積集無量百千億那由他阿僧祇資生妙物發甚難得菩提之心行無限施令諸衆生住清淨道初中後善生淨信解隨百千億無量衆生心之所樂悉令歡喜以大慈悲救護一切承事供養三世諸佛爲欲成就一切佛種修行布施心無中悔增長信根成滿勝行念念增進檀波羅蜜菩薩示時以諸善根如是迴向所謂願一切衆生發大乘心悉得成就摩訶衍施願一切衆生皆悉能行大會施盡施善施最勝施無上施最無上施無等施超諸世間施一切諸佛所稱歎施願一切衆生作第一施主於諸惡趣勉濟衆生皆令得入無礙智道修平等願如實善根得無差別證自境智願一切衆生安住寂靜諸禪定智入不死道究竟一切神通智慧勇猛精進具足諸地莊嚴佛法到於彼岸永不退轉願一切衆生設大施會終不疲厭給濟衆生無

章八

十三

有休息究竟無上一切種智願一切衆生恒勤種植一切善根到於無量功德彼岸願一切衆生常蒙諸佛之所稱歎普為世間作大施主功德具足充滿法界徧照十方施無上樂願一切衆生設大施會廣集善根等攝衆生到於彼岸願一切衆生成最勝施普令衆生住第一乘願一切衆生為應時施求離非時大施究竟願一切衆生成就善施到佛丈夫大施彼岸願一切衆生究竟常行大莊嚴施盡以一切諸佛為師悉皆親近與大供養願一切衆生住清淨施集等法界無量福德到於彼岸願一切衆生於諸世間為大施主誓度群品住迦來地是為菩薩摩訶薩設大施會善根迴向為令衆生行無上施究竟佛施成就善施不可壞施供諸佛施無恚恨施救衆生施成一切智施常見諸佛施善精進施成就一切菩薩功德諸佛智慧廣大施故佛子菩薩摩訶薩布施一切資生之物心無

貪惜不求果報於世富樂無所希望離妄想心善思惟法為欲利益一切衆生審觀一切諸法實性隨諸衆生種種不同所用所求各各差別成辦無量資生之具所有嚴飾悉皆妙好行無邊施行一切施盡內外施行此施時增志樂力獲大功德成就心寶常能守護一切衆生皆令發生殊勝志願初未曾有求反報心所有善根等三世佛悉以圓滿一切種智佛子菩薩摩訶薩以此布施所有善根迴向衆生願一切衆生清淨調伏願一切衆生滅除煩惱嚴淨一切諸佛刹土願一切衆生以清淨心於一念中周徧法界願一切衆生智慧充滿虛空法界願一切衆生得一切智普入三世調伏衆生於一切時常轉清淨不過法輪願一切衆生具一切智善能示現神通方便饒益衆生願一切衆生悉能悟入諸佛菩提盡未來劫於十方世界常說正法曾無休息令諸衆生普得聞知願一切衆生

於無量劫修菩薩行悉得圓滿願一切衆生
於一切世界若染若淨若小若大若麁若細
若覆若仰或一莊嚴或種種莊嚴所可演說
在世界數諸世界中修菩薩行靡不周遍願
一切衆生於念念中常作三世一切佛事教
化衆生向一切智佛子菩薩摩訶薩隨諸衆
生一切所須以如是等阿僧祇物而爲給施
爲令佛法相續不斷大悲普救一切衆生安
住大慈修菩薩行於佛教誨終無違犯以巧
方便修行衆善不斷一切諸佛種性隨求悉
與而無患厭一切悉捨未曾中悔常勤迴向
一切智道時十方國土種種形類種種趣生
種種福田皆來集會至菩薩所種種求索菩
薩見已普皆攝受心生歡喜如見善友大悲
哀愍思滿其願捨心增長無有休息亦不疲
厭隨其所求悉令滿足離貧窮苦時諸乞者
心大於變轉更稱讌讚揚其德美聲遐布悉
來歸住菩薩見已歡喜無量假使百千億那

由他劫受帝釋樂無數劫受夜摩天樂無量
劫受燒率陀天樂無邊劫受善變化天樂無
等劫受他化自在天樂不可數劫受梵王樂
不可稱劫受轉輪王王三千樂不可思劫受
偏淨天樂不可說劫受淨居天樂悉不能及
菩薩摩訶薩見乞者來歡喜受樂欣慶踊躍
卷八
信心增長志樂清淨諸根調順信解成滿乃
至增進諸佛菩提佛子菩薩摩訶薩以此善
根爲欲利益一切衆生故迴向爲欲安樂一
切衆生故迴向爲令一切衆生得大義利故
迴向爲令一切衆生悉得清淨故迴向爲令
一切衆生悉求菩提故迴向爲令一切衆生
悉得平等故迴向爲令一切衆生悉得賢善
心故迴向爲令一切衆生悉入摩訶衍故迴
向爲令一切衆生悉得賢善智慧故迴向爲
令一切衆生悉具普賢菩薩行願滿十力乘
現成正覺故迴向佛子菩薩摩訶薩以諸善
根如是迴向時身口意業皆悉解脫無著無繫

無衆生想無命者想無補伽羅想無人想無童子想無生者想無作者想無受者想無有想無無想無今世後世想無死此生彼想無常想無無常想無二有想無無三有想非想非非想如是非縛迴向非縛解迴向非業迴向非業報迴向非分別迴向非無分別迴向非思迴向非思已迴向非心迴向非無心迴向佛子菩薩摩訶薩如是迴向時不著內不著外不著能緣不著所緣不著因不著果不著法不著非法不著思不著非思不著色不著色生不著色滅不著受想行識不著受想行識生不著受想行識滅佛子菩薩摩訶薩若能於此諸法不著則不縛色不縛色生不縛色滅不縛受想行識不縛受想行識生不縛受想行識滅若能於此諸法不縛則亦於諸法不解何以故無有少法若現生若已生若當生無法可取無法可著一切諸法自相如是無有自性自性相離非一非二非多非

無量非小非大非狹非廣非深非淺非寂靜非戲論非處非處非法非非法非體非非體非有非非有菩薩如是觀察諸法則爲非法於言語中隨世建立非法爲法不斷諸業道不捨菩薩行求一切智終無退轉了知一切業緣如夢音聲如響衆生如影諸法如幻
第六而亦不壞因緣業力了知諸業其用廣大解一切法皆無所作行無作道未嘗暫廢佛子此菩薩摩訶薩住一切智若處非處普皆迴向一切智性於一切處皆悉迴向無有退轉以何義故說名迴向永度世間至於彼岸故名迴向永出諸蘊至於彼岸故名迴向度言語道至於彼岸故名迴向離種種想至於彼岸故名迴向永斷身見至於彼岸故名迴向永離依處至於彼岸故名迴向永絕所作至於彼岸故名迴向永出諸有至於彼岸故名迴向永捨諸取至於彼岸故名迴向永出出法至於彼岸故名迴向佛子菩薩摩訶薩如

是迴向時則爲隨順佛住隨順法住隨順智住隨順菩提住隨順行住隨順義住隨順真實住隨順迴向住隨順境界住隨順摩訶薩如是迴向則爲了達一切諸法則爲承事一切諸佛無有一佛而不承事無有一法而不供養無有一法而可滅壞

無有一法而可乖違無有一物而可令著無有一法而可厭離不見內外一切諸法有少減壞違因緣道法力具足無有休息佛子是爲菩薩摩訶薩第六隨順堅固一切善根迴向菩薩摩訶薩住此迴向時常爲諸佛之所護念堅固不退入深法性修一切智隨順法

第十八

第十七

義隨順法性隨順一切堅固善根隨順一切圓滿大願具足隨順堅固之法一切金剛所不能壞於諸法中而得自在尔時金剛幢菩薩觀察十方觀察衆會觀察法界已入於字句甚深之義修習無量廣大之心以大悲心普覆世間長去來今佛種性心入於一切諸

佛功德成就諸佛自在力身觀諸衆生心之所樂隨其善根所可成熟依法性身爲現身承佛神力而說頌言

菩薩現身作國王 於世位中最無等
福德威光勝一切 普爲群萌興利益
其心清淨無深著 於世自在咸遵敬

弘宣正法以訓人 普使衆生獲安隱
現生貴族升王位 常依正教轉法輪
稟性仁慈無毒虐 十方敬仰皆從化
智慧分別常明了 色相才能皆具足
臨馭率土靡不從 摧伏魔軍悉令盡
堅持淨戒無違犯 汝志堪忍不動搖
永願蠲除忿恚心 常樂修行諸佛法
飲食香鬘及衣服 車騎牀褥座與燈
菩薩悉以給濟人 幷及所餘無量種
爲利益故而行施 令其開發廣大心
於尊勝處及所餘 意皆清淨生歡喜
菩薩一切皆周給 內外所有悉能捨

必使其心永清淨
或施於頭或施眼
皮肉骨髓及餘物
菩薩身居大王位
開口出舌施群生
以彼施舌諸功德
普願藉此勝因緣
悉得如來廣長舌
或施妻子及王位
其心清淨常歡喜
隨所樂求咸施與
一切所有皆能散
爲聞法故施其身
復爲衆生捨一切
以於佛所聞正法
爲欲普救諸群生
彼見世尊大導師
是時踊躍生歡喜
菩薩所有諸善根
不應暫尔生狹劣
或施於手或施足
一切皆捨心無悞
種族豪貴人中尊
其心歡喜無憂戀
迴向一切諸衆生
悉得如來廣長舌
或施其身作僮僕
如是一切無憂悔
應時給濟無疲厭
諸來求者普滿足
修諸苦行求菩提
普皆救護無有餘
菩薩所有諸眷屬
華髮衣服及塗香
此諸眷屬甚希有
專求正覺度群生
菩薩如是諦思惟
悉以迴向諸含識
菩薩捨彼大王位
宮殿樓閣與園林
彼於無量百千劫
因以教導諸群生
無量品類各差別
十方世界來萃止

菩薩見已心欣慶
隨其所乏令滿足
如三世佛所迴向
菩薩亦修如是業
調御人尊之所行
菩薩觀察一切法
云何爲入何所入
菩薩迴向善巧智
菩薩迴向方便法
普皆救護無有餘
菩薩所有諸眷屬
色相端嚴能辯慧
種種莊嚴皆具足
菩薩一切皆能施
如是之心無暫捨
備行種種廣大業
菩薩一一切皆能施
如是之心無暫捨
專求正覺度群生
菩薩如是諦思惟
悉以迴向諸含識
而不生於取著心
及以國土諸城邑
僅僕侍衛皆無悞
處處周行而施與
悉使超升無上岸
菩薩迴向善巧智
菩薩迴向方便法
普皆救護無有餘
菩薩所有諸眷屬
華髮衣服及塗香
此諸眷屬甚希有
專求正覺度群生
菩薩如是諦思惟
悉以迴向諸含識
菩薩捨彼大王位
宮殿樓閣與園林
彼於無量百千劫
因以教導諸群生
無量品類各差別
十方世界來萃止

菩薩迴向具實義 於其法中無所著
心不分別一切業 亦不染著於業果
知菩提性從緣起 入深法界無違逆
不於身中而有業 亦不依止於心住
智慧了知無業性 以因緣故業不失
心不妄取過去法 亦不貪著未來事

不於現在有所住 了達三世悉空寂
菩薩已到色彼岸 受想行識亦如是
超出世間生死流 其心謙下常清淨
諦觀五蘊十八界 十二種處及己身
於此一一求菩提 體性畢竟不可得
不取諸法常住相 斷滅相亦不著
法性非有亦非無 業理次第終無盡
不於諸法有所住 不見衆生及菩提
十方國土三世中 畢竟求之無可得
若能如是觀諸法 則如諸佛之所解
雖求其性不可得 菩薩所行亦不虛
菩薩了法從緣有 不違一切所行道

開示解說諸業跡 欲使衆生悉清淨
是爲智者所行道 一切如來之所說
隨順思惟入正義 自然覺悟成菩提
諸法無生亦無滅 亦復無來無去
不於此死而生彼 是人悟解諸佛法
了達諸法真實性 而於法性無分別
知法無性無分別 此人善入諸佛智
法性徧在一切處 一切衆生及國土
三世悉在無有餘 亦無形相而可得
一切諸佛所覺了 悉皆攝取無有餘
雖說三世一切法 如是等法悉非有
如諸法性徧一切 菩薩迴向亦復然
如是迴向諸衆生 常於世間無退轉

大方廣佛華嚴經卷第二十八

植諸常識孤露 唐故僧上徒紅反 僧僕 下蒲木反 無闕 首月 難敵 上市
下徒解惰上古陽反 未悟 下唐果反 技藝 上奇寄反 寬宥 上苦官反
下五計反

怡暢以之不置反履踐基往反上力丸反關防上古遠反下浮亡反輪稅上武委下軒反私惜良月反嚴麗郎列反蘭若大娘反歌舞文殊反妓侍宣反

反達拏女加反中悔陸仲反聲捨若定反臺榭徐夜嫌恨反求索所百反詞衍以義反群萌莫庚反遵敬將倫反貴族昨木反毒虐約反

臨駁魚林反蠲除如幻反車騎商記反牀褥如欲反名譽牛庶反閉惡博計反

大方廣佛華嚴經卷第二十九 章

章八

于闐國三藏沙門實叉難陀譯

十週向品第二十五之七

佛子云何爲菩薩摩訶薩等隨順一切衆生迴向佛子此菩薩摩訶薩隨所積集一切善根所謂小善根大善根廣善根多善根無量善根種種善根微塵數善根阿僧祇善根無邊際善根不可思善根不可量善根佛境界善根法境界善根僧境界善根善知識境界善根一

切衆生境界善根方便善巧境界善根修諸善心境界善根內境界善根外境界善根無邊助道法境界善根勤修一切捨善根立勝志究竟持淨戒善根一切捨無不受堪思善根常精進心無退善根以大方便入無量三昧善根以智慧善觀察善根知一切衆生心行差別善根集無邊功德善根勤修習菩薩業行善根普覆育一切世間善根佛子菩薩摩訶薩於此善根脩行安住趣入攝受積集辨具悟解心淨開示發起時得堪忍心閉惡趣門善攝諸根威儀具足遠離顛倒正行圓滿堪爲一切諸佛法器能作衆生福德良田爲佛所念長佛善根住諸佛願行諸佛業心得自在等